



Broj: 16-12-16-632-~~1~~ /20
I. Sarajevo, 06.02.2020. godine

PREDMET: Poziv za dostavljanje ponuda.-

U skladu sa članom 8. st. (1) i (2) Zakona o javnim nabavkama ("Službeni glasnik BiH", broj 39/14) (u daljem tekstu: ZJN) i Pravilnikom o postupku dodjele ugovora o uslugama iz Aneksa II. Dio B ZJN ("Službeni glasnik BiH", broj 66/16) (u daljem tekstu: Pravilnik), pozivamo vas da dostavite ponudu u postupku javne nabavke usluge objave javnih oglasa i poziva za potrebe Državne agencije za istrage i zaštitu.

1. Podaci o ugovornom organu:

Ugovorni organ: Državna agencija za istrage i zaštitu (u daljem tekstu: Agencija)
Adresa: ul. Nikole Tesle 59, Istočno Sarajevo
JIB: 4403462520001
Telefon: 057/326-100
Faks: 057/342-924
Web adresa: www.sipa.gov.ba

2. Podaci o osobi zadužnoj za kontakt:

Kontakt osoba: Šikalo Esad
Telefon: 057/326-376
Faks: 057/342-799
E- mail: esikalo@sipa.gov.ba
Jedinstvenog rječnika javnih nabavki: 79341200-8
Broj nabavke: 16-12-16-632-1/20
Službena web stranica Agencije na kojoj zainteresovani ponuđači mogu preuzeti Poziv za dostavljanje ponuda (u daljem tekstu: Poziv) je: www.sipa.gov.ba pod: Aktualnosti-Tenderi.

3. Predmet javne nabavke:

3.1. Predmet javne nabavke su usluge objave javnih oglasa i poziva na tri službena jezika (bosanski, srpski i hrvatski) u štampanim izdanjima dnevnih novina koje se distribuiraju na teritoriji Bosne i Hercegovine, objave dokumenta nevažećim u "Službenom glasniku BiH", "Službenim novinama FBiH" i "Službenom glasniku RS" i objave obavještenja u skladu sa članom 36. ZJN u "Službenom glasniku BiH" za potrebe Agencije za period od **dvije** godine (2020.-2021. godina).

3.2. Javni oglasi i pozivi, objave dokumenta nevažećim i objave obavještenja se štampaju isključivo u crno-bijeloj tehnici, prema veličini oglasnog prostora (stranice) kojeg zauzimaju.

3.3. Ponuđači su dužni dostaviti važeći cjenovnik oglasnog prostora (1/1, junior page, 1/2, 1/3, 1/4, 1/6, 1/8, 1/16, zadnja strana) u kome se jasno vide jedinične cijene bez PDV-a, i to za radne dane, dane vikenda (subota i nedjelja) te u praznične dane (državni, entitetski i vjerski praznici), kao i cijene objave dokumenata nevažećih u "Službenom glasniku BiH",

"Službenim novinama FBiH" i "Službenom glasniku RS" i objave obavještenja u skladu sa članom 36. ZJN u "Službenom glasniku BiH".

4. Planirana sredstava za javnu nabavku:

4.1. Agencija je u okviru budžetskih sredstava za 2020. godinu i Dokumentu okvirnog budžeta za 2020.-2022. godinu planirala sredstva u iznosu od 24.000,00 KM bez uračunatog PDV-a za navedene usluge.

5. Period za koji se provodi postupak javne nabavke:

5.1. Postupak javne nabavke se provodi za period od dvije godine 2020 i 2021. godinu.

6. Način realizacije:

6.1. U ovom postupku javne nabavke Agencija ne zna i ne može utvrditi tačne količine pa samim tim niti ukupnu vrijednost traženih usluga, tako da će se svaki račun za izvršenu uslugu smatrati ugovorom iz Aneksa II. Dio B ZJN te će se za iste objaviti obavještenje o dodjeli ugovora zbirno i to najkasnije 30 dana od isteka kalendarske godine. Ukoliko za vrijeme trajanja perioda za koji se provodi postupak javne nabavke, Agencija bude imala potrebu za uslugama drugih ponuđača koji nisu dostavili svoju ponudu, Agencija zadržava pravo korištenja njihovih usluga.

7. Uslovi i zahtjevi koje ponuđač treba da ispuni:

7.1. Ponuđači trebaju uz ponudu dostaviti dokaz o registraciji u relevantnom profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu kojom se dokazuje njihovo pravo da se profesionalno bave predmetnom djelatnošću.

Dokaz: aktuelni izvod iz sudskog registra ili rješenje o registraciji preduzeća ili radnje ili izjava/potvrda nadležnog organa iz kojeg se vidi da je ponuđač registrovan za obavljanje djelatnosti koja je predmet ove nabavke (original ili ovjerena kopija originala ne mogu biti stariji od tri mjeseca računajući od momenta predaje ponude).

7.2. **Izjava** ponuđača na vlastitom memorandumu ovjerena i potpisana od strane odgovornog lica ponuđača, sa imenom, prezimenom, brojem telefona, fax-a i e-maila osobe zadužene za objavu javnih oglasa, poziva i obavještenja.

8. Period važenja ponude:

8.1. Ponuda treba da važi do 31.12.2021. godine.

9. Preferencijalni tretman domaćeg:

9.1. Agencija će primjeniti preferencijalni tretman domaćeg u skladu sa članom 67. ZJN i Odlukom o obaveznoj primjeni preferencijalnog tretmana domaćeg ("Službeni glasnik BiH", broj 83/16). Agencija će primjenjivati preferencijalni tretman isključivo u svrhu poređenja ponuda.

9.2. U smislu ove odredbe, domaće ponude su ponude koje dostave fizička ili pravna lica sa sjedištem u Bosni i Hercegovini, osnovana u skladu sa zakonima u Bosni i Hercegovini, u kojima su najmanje 50% radne snage za izvršenje ugovora rezidenti Bosne i Hercegovine. Preferencijalni tretman domaćeg se dokazuje Izjavom ponuđača.

10. Način dostavljanja ponude:

10.1. Ponude se dostavljaju lično na protokol Agencije putem pošte, fax-a ili e-maila.

11. Adresa na koju se dostavlja ponuda:

11.1. Ugovorni organ: Državna agencija za istrage i zaštitu.

11.2. Adresa: ul. Nikole Tesle 59, 71 123 Istočno Sarajevo.

12. Krajnji rok za dostavljanja ponude:

12.1. Ponude se mogu dostavljati do 31.12.2021. godine do 12,00 sati.

12.2. Ponuđači svoje ponude mogu dostavljati u toku cijelog perioda za koji se provodi postupak javne nabavke zaključno sa 31.12.2021. godine do 12,00 sati. Agencija će ponude prispjele u roku od 14 dana od objave poziva na službenoj web stranici Agencije razmatrati odmah nakon isteka navedenog roka, a ponude prispjele nakon navedenog roka će biti razmatrane po prispjeću u Agenciju.

13. Uslovi i način plaćanja:

13.1. Plaćanje će se vršiti prema jediničnim cijenama iz važećeg cjenovnika oglasnog prostora ponuđača, a prema veličini oglasnog prostora koji zauzima javni oglas, poziv i obavještenje i nakon izvršene usluge, u roku od 20 dana od zaprimanja računa na protokolu Agencije Ul. Nikole Tesle 59, Istočno Sarajevo.

14. Sadržaj ponude:

14.1. Cjenovnik usluga oglasnog prostora;

14.2. Dokaz o registraciji u skladu sa tačkom 7.1. Poziva;

14.3. Izjava ponuđača u skladu sa tačkom 7.2. Poziva;

14.4. Izjavu ponuđača o preferencijalnom tretmanu domaćeg.

ZAMJENIK DIREKTORA
GENERALNI INSPEKTOR POLICIJE

Đuro Knežević